

Вход 08.09.2024

**Тропарь глас 2:**

Егда снизшел еси к смерти, Животе Безсмертный,/ тогда ад умертвил еси блистанием Божества:/ егда же и умершие от преисподних воскресил еси,/ вся силы небесныя зываху:// Жизнодавче, Христе Боже наш, слава Тебе.

**Тропарь глас 4:**

Днесь светло красуется славнейший град Москва,/ яко зарю солнечную восприемши, Владычице,/ чудотворную Твою икону,/ к нейже ныне мы притекающе и молящися Тебе, зываем сщце:/ о, пречудная Владычице Богородице!/ Молись из Тебе воплощенному Христу Богу нашему,/ да избавит град сей и вся грады и страны христианския/ невредимы от всех навет вражиих,// и спасет души наша, яко Милосерд.

**Тропарь глас 4:**

Правило веры и образ кротости,/ воздержания учителя/ яви ты стаду твоему/ Яже вещей Истина./ Сего ради стяжал еси смирением высокая,/ нищетою богатая,/ отче священноначальниче Николае,/ моли Христа Бога,// спасися душам нашим.

**Тропарь глас 4:**

Мученицы Твой, Господи,/ во страданиях своих венцы прияша нетленные от Тебе, Бога нашего:/ имуще бо крепость Твою,/ мучителей низложиша,/ сокрушиша и демонов немощныя дерзости./ Тех молитвами// спаси души наша.

**Кондак, глас 2:**

Воскресл еси от гроба, Всесильне Спасе,/ и ад видев чудо, ужасеся,/ и мертвии восташа;/ тварь же видящи срадуется Тебе,/ и Адам свеселится,// и мир, Спасе мой, воспевае Тя присно.

**Кондак, глас 3:**

В Мирех, святе, священнодействитель показался еси,/ Христово бо, преподобне, Евангелие исполнив,/ положил еси душу твою о людех твоих/ и спасл еси неповинныя от смерти./ Сего ради освятился еси,// яко великий таинник Божия благодати.

**Кондак, глас 4:**

Мученик возсия Божественная память/ и земныя озари вся концы светло, с веселием зовущих:// Ты еси мучеников, Христе, радование.

**Слава ....**

**Кондак, глас 4:**

Жены Богомудрыя Божественная словеса в сердце положив,/ Адриане, мучениче Христов, к мучению усердно устремился еси,// с супругою венец приемь.

**и ныне ....**

**Кондак, глас 8:**

Взбранной Воеводе победительная,/ яко избавльшися от злых/ пришествием Твоего честнаго образа, Владычице Богородице,/ светло сотворяем празднество сретения Твоего и обычно зовем Ти:// радуйся, Невесто Неневестная.

---

**Прокимен, глас 2:** Крепость моя и пение мое Господь, / и бысть мне во спасение.

**Ин Прокимен, глас 3:** Величит душа Моя Господа, / и возрадовася дух Мой о Бозе, Спасе Моем.

**Причастен:** Хвалите Господа с небес, хвалите Его в вышних. Аллилуиа, аллилуиа, аллилуиа.

**Ин Причастен:** Чашу спасения прииму и Имя Господне призову.